



FEDERATA ATLETIKE E KOSOVËS
KOSOVO ATHLETIC FEDERATION

Web page: www.fakosova.org

e-mail: kos@mf.iaaf.org

RREGULLORE PËR KALIMIN E ATLETËVE NGA KLUBI NË KLUB

Prishtinë, janar 2016

Në bazë të nenit 30 të Statutit të Federatës Atletikës të Kosovës, Bordi i Federatës Atletike të Kosovës, në mbledhjen e mbajtur të datës 16.01.2016 miratoi këtë:

RREGULLORE PËR KALIMIN E ATLETËVE NGA KLUBI NË KLUB

Dispozita të përgjithshme

Neni 1

Me këtë rregullore në mënyrë të veçantë rregullohen kushtet, procedurat dhe mënyrat e kalimit të atletëve nga klubi në klub, e drejta e atletëve për pjesëmarrje në garat në Kosovë, dhe kalimi i atletëve në klub jashtë vendit.

Dispozitat e kësaj rregulloreje do të zbatohen për të gjithë atletët aktiv të të gjitha moshave dhe të dy gjinitë (në tekstin e mëtejme si: atlet) në Kosovë dhe janë të obligueshme për të gjitha organizatat e Federatës Atletike të Kosovës.

Neni 2

Parimet themelore që përbëjnë bazën e kësaj rregulloreje janë:

- atleti me dëshirë zgjedh klubin për të cilin dëshiron të garoj,
- marrëdhëniet atlet-klub përcaktohen me kontratë dhe këtë rregullore,
- klubi amë ka të drejtë për kompensim.

Afati kalimtar

Neni 3.

Kalimi i atletit prej një klubi në klubin tjetër mund të bëhet vetëm në afatin kalimtar.

Neni 4

Afati kalimtar i rregullt zgjat prej 1 dhjetori deri më 31 dhjetor të vitit aktual dhe ndahet në katër (4) periudha:

- periudha e parë: **prej 1 deri 10 dhjetor** të vitit aktual kur atleti i dorëzon kërkesën klubit për lejim,
- periudha e dytë: **deri më 18 dhjetor** të vitit aktual në të cilën klubit të cilit i është bërë kërkesa për lejim është i obliguar që të përgjigjet në kërkesën e atletit,
- Periudha e tretë: **prej 18 deri më 25 dhjetor** të vitit aktual, kur klubi medoemos duhet të paraqesë në Komisionit për regjistrim të atletëve të FAK-ut për miratimin kalimit të atletit nga klubi në klub,
- Periudha e katërt: **prej 25 deri më 31 dhjetor** të vitit aktual, kur Komisioni për regjistrim të atletëve është i obliguar të lëshojë një vendim për miratimin ose refuzimin e kërkesës për kalimin e atletit nga klubi në klub.

Çdo parashtrim që ka të bëjë me këtë nen duhet ti dorëzohet personalisht atij të cilit i drejtohet ose me postën me kthim me të cilën tregohet që dërgesa është bërë, ose në mënyrë personale me nënshkrim të pranuesit (personit zyrtar).

Afatet kohore do të llogariten në ditë.

Afati nuk përfshin ditën e dorëzimit kur është kryer dërgesa, por për fillim të afatit merret dita e nesërme.

Nëse dita e fundit e afatit bie në një festë publike apo ditë e diel, afati skadon në ditën e ardhshme.

Neni 5

Atleti mund të bëjë kalimin prej klubit në klub atletik jashtë afatit kalimtar në rastet e mëposhtme:

- me fshirjen e klubit atletik nga regjistri zyrtar i organit kompetent dhe zgjat 15 (pesëmbëdhjetë) ditë pas përfundimit të ditës së parë të vendimit të organit kompetent;
- me përfundimin e procedurës disiplinore dhe zgjatë në përputhje me nenin 4 të kësaj rregulloreje, përveç se për fillim të afatit llogaritet kalimi i ditës së parë të përfundimit të procedurës disiplinore;
- me masat disiplinore të kryera të pjesëmarrjes në gara në kuptim të nenit 4 të kësaj rregulloreje, përveç se për fillim të afatit llogaritet kalimi i ditës së parë të përfundimit të masave disiplinore;
- skadimi i periudhës ligjore të pushimit të lehonisë dhe zgjatë në përputhje me nenin 4 të kësaj rregulloreje, përveç se për fillim të afatit llogaritet kalimi i ditës së parë të përfundimit të periudhës ligjore të pushimit të lehonisë

Neni 6

Në qoftë se dita e fundit e afatit bie në ditën e diel apo në një festë publike ose ndonjë ditë tjetër kur klubi apo FAK-u nuk punon, afati kalon në ditën e ardhshme. Kjo vlen për të gjitha dispozitat e kësaj rregulloreje në të cilat u referohemi afateve.

Neni 7

Atleti që dëshiron të ndërroj klubin në kuptim të nenit 4 ose nenit 5, paragrafit 2.3 dhe 4 të kësaj rregulloreje, në afatin kalimtar duhet të paraqesë një kërkesë me shkrim për lëshim klubit në të cilin është anëtar. Kërkesa i referohet klubit amë, kurse kopja e kërkesës komisionit të regjistrimit të FAK-ut me postë të regjistruar ose personalisht me verifikim dhe nënshkrim.

Përmbajtjen dhe formën e kërkesës e zgjedhë vet parashtuesi, përveç se është i obliguar që në kërkesë të shënoj klubin në të cilin kalon si dhe të dhënat personale: emrin, mbiemrin, adresën dhe vendin e banimit.

Si datë e aplikimit, llogaritet data e vulës postare të deponuar në postë apo nga data kur ia dorëzon kërkesën personit të autorizuar të klubit amë.

Neni 8.

Brenda afatit kalimtar atleti mund të dorëzojë kërkesë për kalim vetëm në një klub. Po kështu, atleti mund ta tërheqë kërkesën e tij për të kaluar në një klub të ri, në periudhën prej 01.-10. dhjetor të vitit aktual. Njoftimin me shkrim të tërheqjes së kërkesës për lëshim të i dorëzon klubit amë, klubit të ri dhe Komisionit për regjistrim të atletëve të FAK-ut - me postë të regjistruar ose personalisht me verifikim dhe nënshkrim.

Si datë e tërheqjes së kërkesës, llogaritet data e vulës postare të deponuar në postë apo nga data kur ia dorëzon kërkesën personit të autorizuar të klubit amë apo klubit të ri.

Neni 9.

Atlet, i cili afatin kalimtar të njëjtë nënshkruan formularin e aplikimit ose kontratë për dy ose më shumë klube do të nënshtrohet përgjegjësisë disiplinore dhe mbetet i regjistruar për klubin me të cilin ai është regjistruar para afatit kalimtar.

Neni 10.

Kur klubi amë pranon kërkesën për dhënien e lëshimit, ai është i detyruar t'i përgjigjet kërkesës brenda afatit të parashikuar në nenin 4. të paragrafit 2 të kësaj rregulloreje. Nëse të gjitha kërkesat e parashikuara në këtë Rregullore janë plotësuar që klubi amë të lëshojë fletë lëshimin, kurse në të kundërtën ai do të refuzojë dhënien e fletëlëshimit, me arsyet dhe të drejtën e ankimit.

Neni 11.

Fletlëshimin ose vendim për refuzimin e kërkesës klubi amë është i obliguar ta dorëzojë, vetëm me postë rekomanduese ose personalisht me verifikim dhe nënshkrim:

- parashtruesit të kërkesës - atletit;
- klubit të cilit atleti në kërkesë e ka quajtur si klub i ri (klubin ku do të kalojë);
- Komisionit të regjistrimit të FAK-ut.

Formulari i fletlëshimit është pjesë integrale të kësaj rregulloreje.

Si datë e dhënies së fletëlëshimit llogaritet data e vulës postare e depozitimit të regjistruar ose data e verifikimit kur i dorëzohet atletit, klubit të ri dhe Komisionit të regjistrimit të atletëve të FAK-ut.

Neni 12.

Klubi amë mund të refuzojë kërkesën për dhënie të fletlëshimit në rastet e mëposhtme:

- atletit i cili është nën kontratë;
- atletit ndaj të cilit zhvillohen masat disiplinore ose masat që rrjedhin të sanksioneve disiplinore;
- atleti i cili në kërkesë nuk ka saktësuar klubin në të cilin kalon dhe të dhënat personale;
- atleti që është në pushim ligjor të lehonisë.

Neni 13.

Nëse klubi amë nuk i përgjigjet kërkesës për dhënien e lëshimit të atletit për brenda afatit të parashikuar në kuptim të nenit 4 paragrafit 1 të pikës 2 të kësaj rregulloreje do të konsiderohet se atleti ka marrë miratimin për të kaluar në një klub të ri.

Atlet që merr pëlqimin në kuptim të paragrafit të mësipërm të këtij neni do të regjistrohet për një klub të ri.

Klubi nga i cili është atleti nuk ka të drejtë në kompensim.

Neni 14.

Atleti i cili fare nuk ka marrë pjesë në garat atletike së paku 365 ditë (një vit) nga dita e pjesëmarrjes së fundit, me paraqitjen e kërkesës për kalim në klub të ri fiton të drejtën e regjistrimit për klubin e ri në aspektin e nenit 4, 7 dhe 13 të kësaj rregulloreje.

Atleti i cili fare nuk ka marrë pjesë në garat atletike së paku 365 ditë (një vit) mundet gjithashtu të regjistrohet për një klub të ri në kuptim të regjistrimit të parë.

Periudha e jo garuese nuk llogaritet:

- kur atlet ka një kontratë të vlefshme;
- atletit ndaj të cilit zhvillohen masat disiplinore ose masat që rrjedhin të sanksioneve disiplinore;
- atleti që është në pushim ligjor të lehonisë.

Neni 15.

Klubi amë nuk mund ta suspendon atletin as të fillojë procedurën disiplinore kundër atletit në rastet e mëposhtme:

- kur atletit i mbaron kontrata;
- pas aplikimit të kërkesës për kalim të atletit në një klub të ri;
- kur atleti është në pushim ligjor të lehonisë;
- pas skadimit të ditës 365 të mospjesëmarrjes në gara atletike.

Neni 16

Klubi i ri i parashtron kërkesë për miratimin e kalimit të atletëve të rinj Komisionit për regjistrim të FAK-ut.

Kërkesa është në rregull, në qoftë se ajo është paraqitur në përputhje me nenin 4 të paragrafit 1 pika 3 të kësaj rregulloreje. Kërkesa duhet të paraqitet personalisht dhe dorëzimi duhet konfirmuar nga personi i autorizuar në FAK ose me postë me pranimin e kthimit të dëshmuar se kërkesa ishte dorëzuar.

Kërkesa duhet të shoqërohet me:

1. Listën e atletëve të ri për të cilët kërkohet miratimi i kalimit;
2. Një fotokopje me formular të aplikimit të nënshkruar nga atletët për klubin e ri (formulari origjinal dhe 2 foto të bashkangjitur për komisionin për regjistrim të FAK-ut, pas miratimit nga ana e Komisionit);
3. Fletlëshimi me ose pa sqarim;
4. Një vërtetim i bankës si dëshmi e pagesës së kompensimit;
5. Një kopje të kërkesës për lëshim dhe pranimin postar origjinal të dërgesës së regjistruar, në përputhje me nenin 13 të kësaj rregulloreje;
6. Konfirmimi i klubit amë për pjesëmarrjen e fundit apo deklaratën personale të atletit, në bazë të materialit të plotë dhe përgjegjësisë personale, për atletët të cilët nuk kanë garuar për klubin amë për të paktën 365 ditë;
7. Vendimin e komisionit për regjistrim të FAK-ut për vlerësimin e përmbushjes së detyrimeve të ndërsjella të palëve kontraktuese;
8. Vendimin e autoriteteve kompetente për të hequr nga regjistri i autoritetit kompetent.

Si datë parashtrimit të kërkesës llogaritet data e vulën postare të depozitimit në postë të regjistruar ose datën e verifikimit pas pranimin nga komisioni i regjistrimit të atletëve të FAK-ut.

Neni 17.

Kur Komisioni për regjistrim i FAK-ut pranon një kërkesë të rregullt për miratimin e kalimit të atletit në klub të ri, është e nevojshme për të marrë një vendim për miratimin e kërkesës për kalim, në kuptim të nenit 4 paragrafi 4 i kësaj rregulloreje.

Komisioni për regjistrim i FAK-ut, vendimin mbi aprovimin e kërkesës për kalim, e dorëzon vetëm me postë ose email: klubit të ri, klubit amë dhe atletit.

Nëse atleti nuk është i regjistruar për klubin e ri atletik, prej 30 ditë nga data e marrjes së vendimit, mbetet atlet i paregjistruar për atë sezon ose anëtar i klubit amë.

Kontrata

Neni 18.

Kontrata mund ta realizojnë atleti dhe klubi atletik dhe kështu të përcaktojë të drejtat dhe obligimet përkatëse të klubit dhe atletit. Kontrata do të nënshkruhet nga personi i autorizuar i klubit dhe atleti nga ana tjetër.

Nëse në kohën e nënshkrimit të kontratës atleti nuk është i moshës madhore, klubi duhet të nënshkruajë një kontratë me prindin ose kujdestarin e tij.

Neni 19

Kontrata përfshin pjesën kryesore dhe aneksin e kontratës.

Kontrata bazë duhet të përmbajë elementet e mëposhtme:

- të dhënave personale të palëve;
- kohëzgjatjen e kontratës;
- obligimet e atletit në aspektin e ekzekutimit të detyrave në pajtim me aktet normative të klubit dhe Federatës Atletike e Kosovës;
- mënyra dhe kushtet në të cilat ata mund të ndërpresin kontratën.

Pjesa kryesore e kontratës duhet të jenë të vërtetuar nga ana e personit të autorizuar të FAK-ut, dhe në rast të kontestit, kontrata e vlefshme duhet të jetë vetëm ajo e dorëzuar në FAK, kurse bëhet në 3 (tre) kopje identike, prej të cilave një (1) kopje i përket atletit, klubit, dhe një FAK-ut.

Aneksi i kontratës është pjesë e marrëveshjes bazë dhe ka karakterin e një sekreti afarist dhe duhet të jetë më afër për të rregulluar marrëdhëniet e atletit dhe klubit. Aneksi i kontratës do t'i bashkëngjitet Komisionit për regjistrim të FAK-ut në rast të një mosmarrëveshje ndërmjet atletit dhe klubit.

Neni 20.

Kontrata mund të lidhet për një periudhë prej të paktën 2 (dy) dhe më së shumti 4 (katër) vjet – të sezonit garues me pëlqimin e të dyja palëve për një kohë dhe më të gjatë.

Kontrata për 1 (një) viti mund të lidhin atletët të cilët në vitin e nënshkrimit të kontratës janë në moshë 18 vjeçare e më shumë.

Neni 21.

Me pëlqim të dyanshëm, kontrata mund të shkëputet para skadimit të kohës për të cilën është konstatuar (përfundimi i rënë dakord i kontratës). Ndërprerja e kontratës, e vërtetuar nga personi i autorizuar i FAK-u duhet të bëhet në tre (3) kopje, nga të cilat një (1) i përket klubit amë, atletit dhe Komisioni për regjistrim të FAK-ut.

Neni 22

Me kërkesë të atletit apo klubit kontrata mund të ndërpritet në mënyrë të njëanshme me vendim të Komisionit për regjistrim të FAK-ut, në rast që atleti apo klubi nuk i përmbush detyrimet e përcaktuara në kontratë dhe aneks.

Me kërkesë është e nevojshme të dorëzohen të gjitha dëshmitë relevante që mund të kontribuojë për korrektësinë e vendimit të komisionit për regjistrim të FAK-ut.

Si datë e deponimit të kërkesës, llogaritet data e vulës postare të depozitimit të regjistruar në postë ose data e vërtetimit nga klubi amë.

Neni 23.

Tema e diskutimit dhe vendimmarrjes së Komisionit për regjistrim të FAK-ut është vlerësimi i përmbushjes së detyrimeve reciproke në bazë të kontratës në përputhje me këtë rregullore. Komisioni për regjistrim i FAK-ut është i detyruar të marrë një vendim me shkrim me një shpjegim për palët e interesuara.

Kompensim

Neni 24.

Klubi i ri në të cilin atleti kalon, është i obliguar që të paguajë kompensim për klubin amë nga i cili atleti shkon, nëse klubi amë nga i cili atleti shkon këtë e kërkon në fletëshëm.

Klubi i ri është i obliguar të paguajë kompensim në llogarinë e klubit amë jo më vonë se data e aplikimit të Komisionit për regjistrim i FAK-ut, brenda kuptimit të nenit 4, paragrafi 3 të kësaj rregulloreje.

Neni 25.

Bordi i FAK-ut vendos për shumën maksimale të kompensimit për kategori të caktuara të atletëve. Shuma e kompensimit, si dhe kategorinë e atletit Bordi është i obliguar ta publikojë pesëmbëdhjetë (15) ditë para fillimit të periudhës kalimtare ose për një periudhë më të gjatë. Periudha e vlefshmërisë së kompensimit është nga 2 deri në 3 vjet.

Nëse vendimi i Komisionit për regjistrim të FAK-ut, ka pasur një ndërprerje të kontratës në dëm të klubit amë, klubi amë nuk ka të drejtë për kompensim.

Nëse vendimi i Komisionit për regjistrim të FAK-ut, ka pasur një ndërprerje të kontratës në dëm të atletit, klubi amë përcakton kompensimin i cili përbëhet prej:

- kompensimin maksimal me vendim të Bordit të FAK-ut, si dhe (plus)
- koston reale të klubit amë në relacion me atletin të bëra deri në momentin e ndërprerjes së kontratës.

Në rast të ndërprerjes së njëanshme të kontratës kompensimi përcaktohet me marrëveshje ose sipas paragrafit 2 të këtij neni.

Neni 26.

Për atletët të cilët nuk janë nën kontratë dhe të cilëve u ka skaduar kontrata, kompensimi përcaktohet në përputhje me nenin 25 të paragrafit 2 të kësaj rregulloreje.

E drejta për ankesë

Neni 27

Në qoftë se palët e interesuara konsiderojnë se në procesin e dhënies së fletëlëshimit, me refuzimin e kërkesës për lëshimin e atletit nga klubi në klubin janë bërë shkelje të dispozitave të kësaj rregulloreje mund të ankohet në Komisionin për regjistrim të FAK-ut brenda 5 (pesë) ditëve nga dita e pranimit të vendimit.

Komisioni për regjistrim i FAK-ut do të vendos për ankesën brenda tri (3) ditëve nga marrja e ankesës me vendim me shkrim me një shpjegim dhe duhet ta dorëzojë palëve të interesuara. Si datë e deponimit të ankesës, llogaritet data e vulës postare të depozitimit të regjistruar në postë ose data e vërtetimit nga personi zyrtar i FAK-ut.

Neni 28.

Në vendim të Komisionit për regjistrim të FAK-ut palë e pakënaqura mund të ankohet në Bordin e FAK-ut, si një shkallë më e lartë, brenda pesë (5) ditëve nga pranimi i vendimit. Bordi i FAK-ut është i obliguar që, brenda 8 (tetë) ditësh nga dita e pranimi të ankesës, të bien një vendim me shkrim me shpjegimin e paraqitur për palët e interesuara.

Si datë e deponimit të ankesës, llogaritet data e vulës postare të depozitimit të regjistruar në postë ose data e vërtetimit nga personi zyrtar i FAK-ut.

Vendimi i Bordit të FAK-ut është përfundimtar.

Neni 29.

Në rastin e vendimit, Komisioni për regjistrim i FAK-ut apo Bordi i FAK-ut, afatin mund përjashtimisht ta lëvizë dhjetë (10) ditë, vetëm për të marrë provat e nevojshme.

E drejta për pjesëmarrje

Neni 30.

Gjatë afatit kalimtar, deri në vendimin përfundimtar për miratimin e kërkesës për kalim, atleti mund të marrë pjesë në garat atletike, si anëtar i klubit amë.

Neni 31.

Në rastin e kalimit të atletit nga klubi në klub, në ditën e marrjes së vendimit të komisionit për regjistrim të FAK-ut, me miratimin e kërkesës për kalim të atletit nga klubi në klub. Atleti fiton të drejtën të marrë pjesë për klubin e ri.

Shkuarja jashtë vendit

Neni 32.

Atleti, anëtar i klubit të FAK-ut mundet në përputhje me procedurën e IAAF dhe EAA, të regjistrohet për një klub atletik në një shtet tjetër që është anëtar i IAAF dhe EAA, në çdo periudhë të vitit kalendarik.

Regjistrimi për një klub atletik të një shteti tjetër Anëtar i IAAF dhe EAA mund të jetë edhe e dyanshme (dyfishtë). Në rastin e regjistrimit të dyanshëm, atleti ka të drejtë pjesëmarrjes në gara për klubin në Kosovë në bazë të propozimeve të garave të FAK-ut.

Neni 33

Atleti i paraqet kërkesë komisionin për regjistrim të FAK-ut për kalim në klub jashtë vendit.

Me kërkesë duhet të dorëzoj edhe:

- pëlqimin e klubit amë për të shkuar jashtë vendit:

- pëlqimi duhet të përmbajë një kërkesë për kaluar me ose pa kompensim;
- pëlqimi në kuptim të regjistrimit të dyfishtë ose jo;

- kërkesën e klubit të huaj dhe miratimi i Aleancës-Federatës klubi i të cilës është anëtarë për kalim të atletit.

Neni 34.

Vendimin për miratimin e kalimit të atletit për një klub jashtë vendit e bie Komisioni për regjistrim i FAK-ut brenda pesëmbëdhjetë (15) ditëve nga marrja e kërkesës.

Neni 35.

Atlet është i detyruar që në kontratë me klubin e huaj atletik të futë edhe dispozitat e mëposhtme:

- që është i obliguar ti përgjigjet ftesës së elektorit të Federatës dhe pa kushte për ekipin kombëtar të Kosovës në të gjitha garat zyrtare;
- se klubi i tij jashtë vendit bartë shpenzimet e ardhjes dhe largimit për ftesat në reprezentacion;

Dispozitat përfundimtare

Neni 36.

Interpretimi i kësaj Rregulloreje e jep Bordi i FAK-ut.

Neni 37.

Kjo rregullore hyn në fuqi pas miratimit nga ana e Bordit të FAK-ut.

KRYETARI I FAK-ut
Halil Sylejmani

